

agnos Dei depingere, inficere, minio notare, vel aurum, vel colorem aliquem imponere, aut quidquam aliud superinducere; aut depingi, aut miniari facere, aut illos venales proponere, seu tenere; sed eos albos, & mundos, decentes, ac reverenter à cunctis haberi, deferri, & custodiri precipitur. Sic statuit Greg. XIII. in quodam motu proprio incipiente, *Omni certe studio*. Quem refert Azor. tom. 1. l. 9. *infr. moral. c. 9. g. 1.* Postquam tamen in excommunicationem incursum est eos depingendo, non videtur interdictum eos depictos sic tenere. Quia non ob id destrui debent. Et dum interdicuntur in eo motu proprio eos agnos Dei tenere, id infinitivum conjungitur cum dictione, *venales*; ut constat ex contextu. Itaque interdicuntur illos venales proponere, aut tenere. Dum autem concludit Pontifex illos habendos, deferendos, & custodiendos albos, & mun-

dos, tantum est dicere non esse depingendos, sed ut benedicuntur à Pontifice, custodiendos esse. At ubi peccando depicti sunt, non interdicuntur eos retineri.

29 Tandem dum in eo motu proprio interdicuntur agnos Dei venales exponi, intelligitur de venditione simoniaca, qualis est, si ratione benedictionis vendantur, aut pluris ratione illius, Secus si ratione solius materiæ, ex qua conficiuntur, & impensarum in eis conficiendis, & Roma portandis vendantur. Quia nil invenio in eo motu proprio continens specialem prohibitionem venditionis, quæ aliàs non erat simoniaca, sed solam venditionis excommunicationem indicit. Quamvis Azor. tom. 1. lib. 9. *infr. moral. cap. 9. qu. 4.* dicat prohiberi in eo motu proprio venditionem etiam ratione materiæ, nisi ad usus sacros vendantur. Sed non video ubi id Pontifex prohibeat.

Finis Primæ Partis Summæ Thomæ Sanchez.



LIBER

LIBER TERTIUS
DE SECUNDO
DECALOGI
PRÆCEPTO.
DE JURAMENTO.

PRO O E M I U M.



Ratiatus de juramento valde assimilatus est tractatus de voto. Quare multa in hoc petenda sunt ex libro sequenti in tractatu de voto. Primò ergo de natura juramenti, ac verbis ipsum constituentibus; de circumstantiis, ut licite emittatur; de jurandi consuetudine, juramentis equivocis; qualiter liceat exigere juramentum à male juraturo, disputabimus. Secundo loco de obligatione orta ex jurejurando, ubi de variorum juramentorum obligatione tractabimus, & qualiter ejus obligatio transcat ad heredes, vel successores. Ultimo loco, qualiter juramenti obligatio cesset per relaxationem, remissionem partis, cui juratur, irritationem, commutationemve.

C A P U T I.

De juramento definitione; & divisione.

S U M M A R I U M.

Explicatur definitio juramenti, numero 1.
An ad juramentum exigantur verba, aut signa? num. 2.
An exigatur tactus alicujus Sacrae scripturae? Et quando id specialiter petitur in iure, qualiter intelligendum sit? n. 3.
Explicatur variae juramenti divisiones, num. 4. 5. & 8.
An ad juramenti execratorii veritatem, aut falsitatem conferat juramentum credere, fore, ut eo execratio sibi eveniat? n. 6.
Quando juramentum execratorium est falsum, an admittatur duplex culpa, est jurans crediderit id malum sibi eventurum, idem optaret? num. 7.
Aliæ divisiones juramenti proponuntur, num. 8.
An omnia juramenta sint ejusdem speciei, sitque juramentiqualitas in confessione explicanda? num. 9.



Jurare est Deum in testem adducere: refert D. Thom. 2. 2. *quæst. 89. art. 1.* ab universis recepto. Atque ita juramentum est invocatio divini nominis in testimonium. Hæc autem invocatio in eo consistit, (ut bene explicat Valentia 2. 2. *disp. 6. quæst. 6. puncto 1.*) ut jurans, quantum in se est, velit, & cupiat Deum manifestare id, quod juramento confirmat, tamquam id, quod est ab ipso Deo scitum, ac verum, & hoc sive in hac vita, sive in altera Deo manifestare velit. Abstrahit enim jurans, & à præfenti vita, & à futura. Differt autem ab oratione, quæ etiam divini nominis invocatio est. Quod per hæc divinum nomen invocetur, gratia petendi ab eo auxilii, tantum ad misericordiam, ac omnipotentem. At per illud petitur, ut tamquam testis infallibilis testetur jurejurando assermatum. Diciturque divini nominis invocatio, sive expressè, ut cum per Deum ipsum expressè juratur: sive tacite, ut cum juratur per creaturas, quatenus in ipsis Deus refulcet. Non enim per quamvis creaturam jurans, ipsam in se respicit, ac illam, ut in se est, adducit in testem. Quippe id esset blasphemum. (Ut diximus *lib. præcedenti cap. 32. numero 10.*) Sed jurat per Deum in creaturis educentem: atque ita creaturam in testem vocat tamquam aliquid Dei, seu potius Deum, prout in ea creatura elucet. Tunc au-

tem juramus, cum Deum in nostrarum assercionum testem invocamus. Nam concionatores, & alii Sacrae Scripturae testimonia referentes non jurant, cum Deus sua sponte ea testimonia dedit ad suas veritates asserendas; atque ea referens nil aliud facit, quam Dei asserita referre. An verò sufficiat ad rationem juramenti, etires in se sacra non sit, eam talem existimari, dicemus *c. sequenti n. 5.*

2 Hinc deducitur resolutio ejus questionis, an juramentum verba exigat. Et quidem certum est, ut juramentum apud Deum obliget, satis esse internum jurandi consensum, nullis verbis, aut signis expressis. Cum Deus cor, & mentem intueatur. Atque ita tamquam certum tradunt Azor. tom. 1. lib. 11. *infr. moral. cap. 1. quæst. 4. deus de testimo. 2. tom. summa, tractatu 11. c. 1. dicit. 2. Suarez, in 2. de religione, tractatu de juramento, lib. 1. cap. 1. num. 1. & omnes Doctores. Sed de obligatione, quo ad forum externum, est dubium, an verba desiderentur, an potius signa sufficiant. Et breviter triplicem sententiam referunt Covarr. de pactis 1. p. in initio num. 4. Et Zavallos in suis *quæst. practice, tota quæst. 406.* Prima asserit verba esse omnino necessaria. Secunda ait idem in valentibus loqui: sed in non valentibus. Doctores utriusque *videm* referunt. Tertia verissima ait verba non exigere, sed sufficere signa jurandum indicantia. Quia nec leges, nec canones ad vim jurisjurandi verba requirunt. Quod si quæ jura id indicent, intelligenda sunt ad certiorum jurisjurandi probationem, vel ad manifestiorem mentis probationem. Item quia reliqua pacta, & matrimonia solis nutibus inveniuntur, etiam à potentibus loqui, juxta verissimam sententiam, quam defendi libro *secundo de matrimo. disp. 31. numero 5.* Et ita hæc partem teneant Covarr. multos allegans *eo numero 4. Azor. eo cap. 44.* Et alios Doctores adducam *capit. sequenti num. 21.* ubi id magis explicabitur. Idem tenent Suarez, *eo l. 1. c. 11. num. 4. 5. & 6. Sayro in clavi regia l. 5. cap. 1. num. 8. 9. & 10.**

3 Secundo deducitur, nec ad jurandum desiderari contactum rei alicujus sacrae, ut Crucis, Evangeliorum, &c. Quod ad invocationem Dei in testem, in quo juramenti substantiam consistere probavimus *num. primo*, et is contactus minimè petatur. Atque ita latius probans, & alios adducens docet Covarr. *de pactis 1. p. §. primo, numero primo, Zavallos in suis quæst. pract. quæst. 407. numero init.* Aliquando tamen ad majorem testimonii firmitatem petitur in iure, juramentum tactis Evangelii præstari, aut aliis Sacra Scriptura. Qui contactus qualiter intelligendus sit, diximus *libro primo de matrimonio disp. 108. n. 4.*

4 Rarius juramentum dividi potest tum ex parte veritatis, sive enuntiationis, ad quam confirmandam adhibetur:

S tam